

تورک پوردی

Yıl: 2 Sayı: 10 (34) Tuluat 1328
 تورکلرک فاندمنه چالیشیر
 اون بئش کونده بر جیقار

« خلق نظرینه بر نیچه مسئله »

۲

موسی افندی بیکیف ، اسلامک و اسلام عالمک بوگونکی حاله فاصل دوشدیکنی تحری ایدرکن ، بونده ماضیده یورونمش یا گلش یوللرک ویردیکی الیم نتیجهلری گوریور ، و اونلری یکی برعزم و مجاهده ایله اورتادن قالدیرارق اسلامیتہ اصلا کندی حقیقی روشنی ، حقیقی ماهیتنی ویرمک و بوصورتله دینی برتجدده دوعرو یورومک ایچون قهرمان آدیملری آتیور . اثرلرینی قوی ایمانی ایله قرآن و حدیثدن دوعرودن دوعرویه استنباط ایتدیگی حقیقتلره استاد ایتدیریور .

موسی افندی « بنم قلمله نشر قیلنمش مسئلهلر » مقاله سنده کندیسینی بو مشکل و خطری ، بونکله برابر حقیقی و مفید سعه سوق ایدن سبیلری ذکر ایدیور :

« بن عالم اسلامیتده ظاهر اولش مذهبلرک هر برینی مقلدلرک هر برندن البته زیاده احترام ایدرم . یقینی ایمانم اقتضاسیله اسلامیتی ده مذهبلرک هر برندن البته اوستون اعتقاد ایدرم . مذهبلرک برنده یا همه سنده اسلامیت محصور قالدی دیمک مذهبلری ، مجتهدلری احترام اولماز ؛ اما اسلامیتی ، نسخ ایتک درجه سنده ، تقیص اولور . عقل . بنم نظرم ده ، اک بیوک بر حجت الهیه در ، مطلقدر ، حدودک هیچ بریله محدود دکلدور . اسلامیتک هر مذهبدن اوستونلکی ، عقلک اک بیوک جهلکی تابد باقیدر .

بوکا کوره ، بن قرآن کریمک آیت کریمه لرینه ، شارع کریمک سنتلرینه فقہلرک مذهبلرینی ، کلامیونک جدالرینی ، صوفیلرک خیالرینی ، فلسفیلرک قیاسلرینی ، سیاسیلرک هوالرینی ، اجتماعیلرک نظرلرینی هیچ بر صورتله تقدیم ایده مم . شو مذکور شیلرک هیچ بری قرآن کریمک آیت کریمه لرینه ، شارع کریمک سنت نبویه لرینه هیچ بروقت حاکم اوله ماز .

بنم هر بر فکرک مرکزی ، هر بر سوزمک اساسی اشته بودر . بویله متین بر مرکزده قرار ایتدکدن صوک ، بن البته هر بر فکری حریتله عرض ایده بیلورم . فکرده بیوک بر اهمیت کورر ایسه م ، دینم فرمانیله ، او فکری البته نشر ایدرم .

شو کونه قدر نیم قلمه نشر قیلیمش مسئله لرك هر بری شو طریقله نشر قیلیمش
ایدی .

بوراده او مسئله لرك آراده اك مهملرینی رقم صر سیله بیان ایدیم .
بونی دیدکدن سوگرا سکر مسأله یی آله آلیور که هر بری ماهیت اعتباریله
اك اهمیتلی مسائل دینه مز دندر . ایلک اول « اصحاب کرام عصر نده یازیش
مصاحف مسأله سی » ندن بحث ایدیور . بو مسأله ده موسی افندی ، قرآنی
یازانلرك نه قدر دقت و اهتمام گوسترمش اولدقلرینی ، نه قدر دوغرو اولزی
و سوزلی ذاتلر بولندقلرینی اوکه سورده لرك قرآنك تمامیه ، هیچ بر تردده
محل و یرمه جك صورتده ضبط ایدلمش اولدیغنده قطعاً اشتباهی اولدیغنی
گوستریور .

« قرآنك یدی حرفی » مسأله سنده ده پیغمبر من اقدمز حضرتلرینك
حیاتنده ، ابو بکر حضرتلرینك خلافتنده اویدی حرفك تمامیه حفظ ایدلمش
اولدیغنی سویلیور ، و بونك ایچون اوچنی خلیفه عثمان حضرتلری زماننده
یازیلان سکر مصحفك یالکر بر حرف اوزرینه یازیش اولدیغنی حقنده علم
اهلنك سوزلرینه اعتراض ایدیور . « بکا کوره ، قرآن کریمك هر برکله سی ،
هر بر حرفی « کما نزل » باقیدر ، محفوظدر . » دیور .

بوصورتله قرآنك هر تورلو تحریفدن آزاده لکنی ، مقدس لکنی ، عصمتی
اثبات ایدره لرك قطعی بر ایمان گوستریور .

موسی افندی منسوخ آیتلر مسأله سنده ده بوتون علم اهلنه مخالفت ایدیور .
« اوزون گونلرده روزه (اوروج) » کتابنده بومسأله یی تفصیل ایتدیگنی سویلیور .
اونك نظر نده نسخ اولونمش بر آیت یوقدر . قرآن بوتون بلاغتنك اعجازیه
نسخلردن عاری اولق لازمدر . منسوخ آیتلر فرض و تصویرینی قرآنك اعجازینه
قارشى بر حرمتسزلک تلقی ایدیور .

آیتلرك تفسیری خصوصنده « کلام اماملرینك تفسیر اصوللرینه عموماً ، بعض
فقیهلرك مذهب روحیه تفسیرلرینه خصوصاً مخالفت » ایلور . چونکه قرآن ،
« مذهب لرك برینه تابعیت ذلتلرندر ، کلام اصوللریله تحریف قیلنمق نقیصه لرندن

البته پاکدر. اعلاجیلرک اصلاخلرینه احتیاج مسکنتلرندن قرآن کریمک معجز
نظمی البته مستغنی در.

موسی افندی، قرآنی بوتون علاوهلردن، تحریفلردن تنزیه ایلور. قرآن،
اولدینی گبی، برتامدر. لفظلرندن مفهوم اولان معنائک غیری معنالر آرامق،
«بوراده شو کلمه مقدردر» گبی علاوهلره «بوندن مراد شو اولسه گرکدر»
گبی تأویللره قالدیشمق خطادر، گناهدر. قرآن، باشلی باشنه برمعجزه اولونجه
آرتق اوندن هرکسک بررتورلومعناحقارماسی البته عفو اولوناماز قباحتلردندر.
حاصلی قرآن، دنیوی و آخروی بوتون امرلری حاکی اولوب علاوه و تحریفدن
منزهدر.

موسی افندی، «احکام فقیهده مجتهدلره» ده مخالفت ایدیور. مثلاً «مسکرات»
حقنده اماملرک هیچ بریله برلشمیور. اوگا گوره «مسکراتک هر برنوعی آیت
کریمه لرک نصونه بلا واسطه داخلدر.» شو حالده مسکراتک هر نوعی حرامدر.
حقیقت، سکر ورن هر ماده، بو حرمت داخل اولمق طبیعیدر. چونکه مسکراتک
هر نوعی مضردر؛ «شو نوعی ضرر سزدر و یا فائده لیدر.» دیمک امکانشزدر.
و بو حرمت عملی بر فائدهیه نتیجه ویریور.

«طلاق» ده اماملره مخالفتی «لازم» کوریور. «مدنیت اساسی اولان عائله
ارتباطی» نکاحک قوی اولماسنه و اوایل اوافق تفک سبیلره فسخ ایدیله مه مسنه
وابستهدر. اونجه «درست طلاق مشروعدر» فقط عذر، قصد، اکراه یوقکن
طلاق وقوعی البته حق دکدر.

بونکله برابر فقیهلره مخالفتی یالکیز بومسألهلره حصر ایتیور. «اجتماعی
حاللرمزه دائر برخیلی مسألهلرده» دخی مخالفت ایدیور. بونلر ایچنده «رقت»
مسأله سنی خصوصیه ذکر ایلور. رقت ایچون «تاریخ انسانیتده ظاهر اولمش
سیئه لرک بیوکی اولوب، حقوق صحیفه لرنده بیان قیلنور مسألرکده اهمیتیدر.
غایت شدید وحشت اثری اولان اوسیتیه فقهایی اسلام بالاجماع قبول ایتمشلر
ایسه ده، اسلامیتی اوسیتهدن تنزیه ایتیه، بن، الحمدلله، موفق اولدم.» دییور.

قرآنک رقیقی نسخ ایدن آیتلری وارددر. اسلامیتدن اول بوتون قوتیه موجود اولان بوسیتمیه قرآنک ووردینی ضربه بویوکدر .

« کلام مذهبلرینه استخفاف کوزیله، باقاسی، اومذهبلرک «جدل اصولرینه، الک قییح تعصب یوللرینه سلوک ایدوب اهل اسلامک ایمانلریخی چوجوق اویونجاخی کبی استخفاف، ایتلرندن در . کلام اهللرینک عندی تفسیر و تأویللری، کتاب و سئندن اکثریتله غفلتلی، قرآنک بیانیله اکتفا ایتمک حقنده موسی افندی یه جسارت ویرمشدر . اونک ایچوندرکه کندیلرندن باشقه انسانلرک ایمانلریله استخفاف ایدنلری، اوده استخفاف ایدیور .

« مهدی، مسأله سی کبی مسأله لری ده منکر در ، (فتن) حدیثلرینک

دوغرولغنده شهه سی یوقدر :

« هر محدثدن زیاده بن اوحیدیلری البته تصدیق ایدرم . بن انکارم اوحیدیلرک اوزلرینه عائد دکلدر . بلکه اوحیدیلره تفصیل و یا تفسیر یوبله سویلمش سوزلری . همده وهم بیله سیله طوغمش فکرلری بن شدتله انکار ایدرم . »

« آخر زمان، ک یاقینلی تدقیقه شایان برمسأله در . « قیامت، اقتربت الساعه کبی آیت کریمه لرک آجیق بیانلرینه گوره یاقیندر . « آنجق بویاقینلق، کون و ساعتی تعیین ایده جک قدر بزه صلاحیت ویرمز . قرآنده « وَاَنْ يَوْمًا عِنْدَ رَبِّكَ كَالْفَسْطَاطِ الْمُدْبُوْنِ » بویورلمشدر . توراتک حکمی ایکی اوچ بیک سنه سورمش ایکن قرآنک حکمی اون بیک سنه دن فضله اعتبار ایتمه مک نه کوچوکلکدر ! حالبوکه قرآنک نزولدن ده آنجق بیک بوقدر سنه کچمش ایکن مهدیدن، قیامت علامتلرندن بحث ایتمک، البته قرآنه قارشى حرمتسزلکدر :

« قیامت یاقیندر، لکن قرآن کریم عربیله یاقیندر . عالم اسلامیتده هادیلرده، مهدیلرده چیقار، لکن ذلیل قالش اسلامیتی اصلاح قیلحق وظیفه سیله دکل، بلکه ترقی ایتمش اهل اسلامک رهبری ایلحق صفتیه . آراضده حسابی یوق درویشلره کوزل کوزل درس لر ویرمک وظیفه سیله . »

..

علمی، اجتماعی، سیاسی سقوط طمزه، قادینی بک عادی بر درجه یه ایندی رمش اولمقلغمز بویوک برسانقدر؛ حالبوکه قادینک حرمت موقعی، ارکککنکندن

پك يوكسكدر . قادينك بو حقی بز ، سخیف اعتیادلر تأثیریله ، نزع ایتمش .
 قادین بویله دوشمکه آنالق موقعنك معلا کرسیدن ده سقوط ایتمش اولور .
 سوکرا قادینك عفتی ، برپردنك لطفیله اولچمش . ایمان و علم گبی ایکی
 مقدس نقابك قیمتی هیچه ایندیرمش . موسی افندی ، قادین حقده ، بزجه
 متعارف اولان وضعیتی باقکز ناصل یوکسه لئیور :

« عموماً عالم اسلامینک ، خصوصاً روسیا مسلمانلرینک دین ، هم دنیا جهتیله
 سعادتلی خاتون قزلرک تربیه لینه توقف ایدر .

بم نظرمده هرملتك خاتون قزی اوملتك اوکنده اولور . خاتونلری ، یعنی آنالری
 دون برملت هیچ بروقت بیوک اولماز .

محاربه میدانلرنده آرت سفرده اولان خاتون قیز - ترقی حرکتلرنده آل (اوک)
 صفده اولور . نماز سفارنده تأخیر قیلنمش خاتون قز - عرفات وقفه سنده علوم حرملرینه ،
 معارف کعبه لینه امتك افاضه لری ساعتلرنده تقدیم قیلنور .

خاتون امتك . یاخود امت خاتونك نسخه سیدر . امتك اك کوزل صفتلری
 برکدرلشده . کویا ، خاتون خلق قیلنمشدر . خاتون سفیل اولور ایسه . امت رذیل
 اولور . خاتون دون اولور ایسه ، امت زبون قالیر .

خاتون - ملکلرک عمومیه ، مؤمنلرک صالحلرینه ، جبریل امینه ، رسول کریمه ،
 اللهک اوزینه مقابل قیلنه بیلور درجه ده محترم ایکن ، امت اسلامیه بوتون عالم انسانیت
 ریاست شرفنه ایرشمش ایدی .

آنالرمزله شارع کریمک کوزل معامله لری تحریم سوره سنک آیت کریمه لرنده
 استحسان نظمیله نازل اولوب ، امت اسلامیه بیوک بر سنت نبویه کوسترمک یولیه ،
 قرآن کریمده مصاحفده تأیید قیلندی . « وان تظاهرا علیه فان الله هو مولاه وجبریل
 وصالح المؤمنین والملائكة بعد ذلك ظهیر » آیت کریمه سنده ایکی خاتونك حرمتی بوتون
 عالم وجودك ، همده موجدك قوتلرینه مقابل ، هم موازی قیلندی . اووقت عالم اسلامیت ،
 مدنیت رهبری ایدی ، اووقت اهل اسلام سیاست خواجه سی ایدی . سوکره ، خاتونلر
 آرلره یالکز متاع اولق درک لینه انمش ایکن ، عالم اسلامیت ریاست کرسیلرندن انمک
 یوللرینه یوز طوتدی . »

یتمدی

ک . نه